

金錄齋三洞讚詠儀卷上

一 步虛詞 十首

清靜建金壇	無為大道理	歸依玉帝前	稽首求宗旨
發詠蕪名香	一心專不已	願同四海知	萬億神仙子
悟即杳冥中	玄談皆彼此	真人受命時	覺者有終始
象外好優游	愚情生謗毀	羽蓋駕青龍	行遍八方水

二

天尊馭六龍	百萬神仙騎	雲起自逍遙	五音皆鼓吹
碧桃爛熟時	七寶林中賜	白鳳集千群	雪身排玉翅
華嚴如意珠	聖化不思議	師子善非常	華胥妙法智
凡愚有道心	慧眼眾生施	無限小丫童	蕊宮深殿戲

三

玉籙受經師	科儀尊上帝	頌聲世界中	道業心相濟
靈寶度眾生	丹丘雲雨翳	虛無入太清	白鶴聲嘹唳
百谷盡朝宗	煙霞全美麗	囂塵自不迷	祕要門開閉

金錄齋三洞讚詠儀卷上

清微藏書閣

洞府最深嚴

神仙無繫綴

天高似掌平

一一皆精細

四

上帝化無窮	仙居紫府位	信心杳若空	稽首拜天地
晴霽布星羅	真門持不二	十州散雨花	五福真人祕
符瑞表其恭	戰兢擎寶器	善哉諸法師	祈福來凡意
功行滿三千	心緣勿退志	歸依大道君	一切靈官記

五

仙集會玄都	法輪常轉處	持齋振寶鈴	冬夏無寒暑
絳節蕊珠宮	瀛洲臨遠渚	天尊侍立人	崇道絕私語
妙入大乘經	六情皆盡去	默然念在心	澹泊勿疑阻
月皎盛明時	清娥搖玉杵	叩鍾雅調音	鍊質容相許

六

天上典人間	黃衣受玉籙	經開道眼明	持念果成速
若遇邪魔臨	灰心似草木	丹田是命根	俯仰皆生福
鶴骨為餐霞	修行如野鹿	三才鬱茂中	執卷但勤讀
太一及星官	康民無反覆	還淳務實時	四序長盈縮

七

慕道要歸真 知非求得一 先須修鍊心 甚好變凡質
禮懺用精專 登壇明似日 六丁驅使易 去住如風疾
念咒與神符 邪魔無縱逸 青詞奏表章 善惡包凶吉
元始諸天尊 聖言分甲乙 香燈及醮茶 喫弄神刀筆

八

七寶琉璃宮 飛符排絳節 玉京鎮十方 眾真頌真訣
天地杳冥中 景雲浮不絕 太仙跨鶴遊 齋醮清嚴潔
詠讚亦非常 長生無隕滅 上帝伏魔王 執事皆賢哲
下察向黎民 靈官為等列 香華從輦時 揚教動喉舌

九

寶鐸振鑾鳴 諸仙相聚集 較量高下時 浮淺不能入
旋遶如意珠 破壞善修葺 玉皇朝謁前 真人傍侍立
步虛聽自然 仰望華胥邑 駕鶴與乘龍 祥光起熠熠
三千功行來 壺有大丹粒 玄都鎮八方 臨壇皆翦鬱
清風發播揚 養命存嗑吸

金錄齋三洞讚詠儀卷上

清微藏書閣

十

日月五星明 公平鑒善惡 三官五帝君 億萬周遊樂
法雨從行時 乘雲與駕鶴 如意一顧身 所化化城郭
馥郁杳冥中 真宗皆澹泊 九天利物多 寶林葉交錯
象教福人間 仙花開紫萼 剛柔轉智輪 大道心依託

白鶴讚 一十首

一

白鶴凝霜一頂紅 常隨碧落杳冥中
三清好是逍遙處 天上人間事不同

二

白鶴生來羽翼鮮 一聲高喚玉皇前
虛無境裏飛翔異 去住人稀到九天

三

白鶴希奇瑩月華 雪毛翳日戀朝霞
神仙抱向長生殿 踈羽飛騰出絳紗

四

白鶴非凡迥不同 人間描在畫屏中
桃花結子千年實 自在優遊萬里空

五 白鶴雲中朝太清 玉童高送鳳池鳴
常教棲宿蟠桃下 三島真人畫不成

六 白鶴毛敬夜月圓 高飛來至步虛前
仙壇絳節霓裳舞 太一真人福壽年

七 白鶴靈禽與壽年 生教常得羽毛鮮
五雲自有千峰嶂 紫蓋巖巒海上仙

八 白鶴銜丹羽翼輕 玉皇常使混三清
崑崙來去飛閑暇 五色雲中萬里程

九 白鶴朱紅一頂深 鈞天似聽沃群心

金錄齋三洞讚詠儀卷上

清微藏書閣

常隨羽客避人世 碧玉桃花萬丈尋

十 白鶴山高第九層 毛衣潔淨瑩春冰
化人宮室諸天遠 雲翼靈飛大道稱

一 太清樂 二十首

太清樂 太清樂 太清樂處以逍遙

太清樂 紫微瑞色駕青龍 太清樂 玉籙香牋夜奏封

太清樂 羽蓋雲中皆縹緲

太清樂 霓裳一舞貌思恭 太清樂 太清樂

二

精誠大道動幽元

太清樂 天地常存不死仙 太清樂 象外不同人世界

太清樂 眾生願福太平年 太清樂 太清樂

三

帝星明耀斗星魁

太清樂 絳闕雲浮夜醮臺 太清樂 七寶山高樓白鳳
太清樂 瓊樓十二月中來 太清樂 太清樂 太清樂

四 仙官朝會儼珠旒
太清樂 素月當天運九秋 太清樂 方丈雲駟閑玉闕
太清樂 巍巍瞻望殿依樓 太清樂 太清樂

五 焚香夜啟醮仙壇
太清樂 麗景遲遲柳拂煙 太清樂 天上星繁光溢目
太清樂 真人似降步虛前 太清樂 太清樂

六 黃衣受籙用心勞
太清樂 法事壇前夜佩刀 太清樂 修鍊但教祛俗態
太清樂 瀛洲仙境不爭高 太清樂 太清樂

七 秋風入律正淒清
太清樂 道法邪魔振鐸鈴 太清樂
太清樂 恬澹虛無真可重 太清樂
太清樂 科儀次第夜堪聽 太清樂 太清樂

八 遙天薄暮景雲連
太清樂 一軸青詞月下文 太清樂 四氣調來思長養
太清樂 仙壇夜醮紫微君 太清樂 太清樂

九 時來樂道正熙熙
太清樂 八極靈仙是我師 太清樂 太一真人臨土宇
太清樂 蟠桃枝下屬文詞 太清樂 太清樂

十 風清恬澹夜焚香
太清樂 光景如流四序長 太清樂 瑞氣浮空何快意
太清樂 醮茶不敢預先嘗 太清樂 太清樂

金錄齋三洞讚詠儀卷上

清微藏書閣

九天無間運三清

太清樂 夜月寒光海上明

太清樂

紫府洞中堪眷戀

太清樂 步虛齊唱一聲聲

太清樂

太清樂

十二

夜壇移燭似流星

太清樂 駕鶴乘龍羽蓋輕

太清樂

勢聳雲端成絳闕

太清樂 十洲花好洞中明

太清樂

太清樂

十三

步虛文好思無窮

太清樂 姑射逍遙夜境中

太清樂

龍闕降祥天畔出

太清樂 韶音遠聽貫心聰

太清樂

太清樂

十四

天仗門開闢帝閭

太清樂 登壇玉籙受經文

太清樂

崑崙洞府吞祥氣

太清樂 王母追遊駕五雲

太清樂

太清樂

十五

金籙齋三洞讚詠儀卷上

清微藏書閣

玉皇下視九天清

太清樂 仰望層霄一炷馨

太清樂

勝境幽奇千萬億

太清樂 延年字字受丹經

太清樂

太清樂

十六

上方章奏起清編

太清樂 道士科儀事業專

太清樂

玉燭調來雲鬣鬣

太清樂 丹丘遊歷莫知年

太清樂

太清樂

十七

奇絕文通妙入神

太清樂 凝情瑞雪片紛紛

太清樂

玉華殿裏排章奏

太清樂 月滿楹庭擁白雲

太清樂

太清樂

十八

寶閣香飄遶殿樞

太清樂 帝城緣業士民居

太清樂

天真可愛遙空裏

太清樂 子育黎元盡樂胥

太清樂

太清樂

十九

大象星羅混太清

太清樂 五千言道世長生

太清樂

神仙來往雲霞麗

太清樂 白鳳經天自有程

太清樂

太清樂

二十

一聲鶴唳九霄中

太清樂 王母行天闋苑風

太清樂

幾許仙人來侍從

太清樂 齋心清潔盡微躬

太清樂

太清樂

金籙齋三洞讚詠儀卷上竟

天運辛卯年子月正一天師清微弟子洪鼎堅羅大英恭錄彙編

左鳴複校

金籙齋三洞讚詠儀卷上

清微藏書閣